

MUIÑEIRA DE AMOEDO

(Pazos de Borbén)

Aquela pombiña branca
que está no medio da eira
non a mates cazador
que é a miña compañeira
Ai oleiá, que é a miña compañeira
Ai oleiá, ai la la la la la laa laaaaaa

O paxaro de María
anda nas miñas cereixas
come paxariño, come
hei de ver as que me deixas
Ai oleiá, hei de ver as que me deixas
Ai oleiá, ai la la la la la laa laaaaaa

Polo colo da camisa
vinche andar un piollo
viña da Serra Morena
traia un parche nun ollo
Ai oleiá, traia un parche nun ollo
Ai oleiá, ai la la la la la laa laaaaaa

O río vai a remanso
O río vai a remanso
Nos teus brazos meu amore
Anque non durma descanso
Ai oleiá, anque non durma descanso

Ai oleiá, ai la la la la la laa laaaaaa

Vou a dá-la despedida
por riba do pau da cana
bailadores do torreiro
acabouse a ribeirana
Ai oleiá, acabouse a ribeirana
Ai oleiá, ai la la la la la laa laaaaaa

XOTA DAS NEVES

(O Condado, sur de Pontevedra)

Maruxiña do Portelo
miña revolteadora
fixeche-la cama fóra
onde vas durmir agora
onde vas durmir agora
ai la lelo ai la lalaaaa

**Non hai ron, non hai ron Maruxiña
non hai ron coma o da laranxiña
non hai ron, non hai ron Maruxeira
non hai ron coma o da laranxeira**

Maruxiña ti é-lo Demo
sempre me andas atentando
ou no río, ou na fonte

sempre te atopo lavando
sempre te atopo lavando
ai la lelo ai la lalaaaa

Non hai ron, non hai ron Maruxiña
...

O licor da laranxiña
dálle forzas ó gaiteiro
un vasiño pola noite
e non lle falla o punteiro
e non lle falla o punteiro
ai la lelo ai la lalaaaa

Non hai ron, non hai ron
Maruxiña...

PASOBRE DE BEMBRIVE

Pasei pola túa porta
mirei para dentro e vin(he)
un letreiro que dicía
eu para ti non nacín(he)

E anda, que eu xa non te quero,
porque, xa non vales nada
e andaaa, que xa non te quero
porque, non me dá a gana e andaa

Eu como sabía ler(e)
aaquei un e puxen outro
ti para min non naciches
pero eu para ti tampouco

E anda, que eu xa non te quero,
porque, xa non vales nada
e andaaa, que xa non te quero
porque, non me dá a gana e andaa

Voume indo voume indo
non mires mais para min(he)
coa axuda dos teus enredos
o meu cretiño perdin(he)

E anda...